


TEZAU LITURGIC
15 IULIE

ACATISTUL
SF.MUCENICI
CHIRIC ȘI IULITA
DE LA
ICONIUM



MOSCOVA, 2000



Акафист

святых мученикам

Кирику и Иулитте

Кондак 1

Избранныя раби Царя Небеснаго и доблии Христови мученицы Кириче и Иулитто, славныя святые чудотворцы и помощники наши, похвальными песнями воспоим вас: вы наши утешители и молитвенницы, вы же, предстояще престолу Святыя Троицы, молитвами своими от всяких зол и напастей избавите нас, верою зовущих вам:

Радуйтесь, святые мученицы Кириче и Иулитто!

Икос 1

Архангели и ангели с любовью зряху чистое житие твое, Иулитто, святая мученице Христова: ты бо царска рода суще, пекущися о Господних, како угодити Господеви и веру Христову сохранить, небрегла еси о суетных и земных благах и сего ради оставила еси вся имения своя. Сама же яко странна и ничтоже имуща отбегла еси отечества своего с сыном своим отроком Кириком и двумя рабынями своими во страну иную. Мы же, мудрость твою воспоминающе, таковой любви твоей ко Господу дивящися, со умилением взываем вам сице:

Радуйтесь, вернии раби Христови.

Радуйтесь, всю мира красоту и славу ни во что вменившии.

Радуйтесь, наслаждения земная веры ради Христовой презревшии.

Радуйтесь, не имевшии zde пребывающаго града, но грядущаго взыскавшии.

Радуйтесь, благородие свое утаившии и яко едиини от нищих на земли пребывшии.

Радуйтесь, святии мученицы Кириче и Иулитто!

Кондак 2

Видяще святая Иулитто, яко и в Селевкию от зловернаго царя Максимиана игемон Александр прииде, муж суров и зверонравен, да мучит без всякия милости исповедающих имя Христово, помяну слово писанное: егда гонят вас во граде сем, бегите в другия, изыде из Селевкии и пойте в Тарс, моля Бога, да защитит верныя рабы своя, поющия Ему: Аллилуиа!

Икос 2

Разумев мучитель, яко многи христиане отыдоша из Селевкии и во град Тарс прииде, тамо на седалищном судищи пред народом седе, повеле яти христиане и на суд его нечестивый привести. Вам же, святым мученикам Христовым, оклеветанным от неверных и на суд пред мучителя Александра приведенным, мы с

любвию припадаем и дерзновению вашему дивляхуся, глаголем:

Радуйтесь, доблии исповедницы Христови.

Радуйтесь, вернии страдальцы Господни.

Радуйтесь, силою крестною мужество непреодолимое стяжавшии.

Радуйтесь, дерзновенно себе христианами именовавшии.

Радуйтесь, за имя Христово на суд приведении.

Радуйтесь, святии мученицы Кириче и Иулитто!

Кондак 3

Силою Христовою свыше препоясании возмогосте победити древняго змия лукаваго, не убоялися бо зверообразного мучителя игемона Александра, веруя себе быти наследницами Царствия Небеснаго, пели Христу Богу нашему: Аллилуиа!

Икос 3

Имея в сердце своем твердую веру, дерзновенно рекла еси лукавому мучителю славная мученица Иулитто: «Имя и благородие мое христианыня есмь, отечество – Христа Бога нашего Царство». Беззаконный же мучитель повеле отроча отъяти от матери его, Иулитту же святую без пощадения суровыми жилами бити. Мы же мужество ваше блажаще, сице вам зовем: Радуйтесь, твердии адаманты Святые веры.

Радуйтесь, Столпы непоколебимии Святыя Церкви.

Радуйтесь, неверных страх и посрамление.

Радуйтесь, нетленных венцев стяжателие.

Радуйтесь, Христовых заповедей всечестныя исполнителие.

Радуйтесь, святии мученицы Кириче и Иулитто!

Кондак 4

Бурею помышлений злобный мучитель колеблем, видя младенца Кирика плачуща и от рук держащих его мучителей исторгающагося, еже к матери своей славней Иулитте тещи, повеле младенца себе принести и прием е, на коленех своих посади и утешаше того, да не плачет, и поглаждаше главу его, и лобзаше его, и глаголы благая вещаше ему. Детище же отпирашеся, изымая себе от рук мучителя, не ведущаго пети Богу: Аллилуиа!

Икос 4

Слышав злочестивый мучитель отроча взывающа: «Христианин есмь, пусти мя к матери моей!», от лобзаний же его скверных лице свое отвращающа и к матери своей биемой взирающа, ногтями же лице его игемонское раздирающа, исполнися ярости и верже отроча о пол и в ребра ногою пхну, низвергая его долу от высокаго седалища своего. Ты же, святой

мучениче Кириче, благодатию Божиею и молитвами матери твоея укрепляемый, от Христа не отступил еси, но вся претерпел еси. Сего ради величаем вас сице:

Радуйтесь, искушений диавольских избежавшии.

Радуйтесь, исповедницы Христови неустрашимии.

Радуйтесь, воины Христови непобедимии.

Радуйтесь, всех, вас призывающих от искушений избавляющихи.

Радуйтесь, и нам сетей вражиих избегати помогающихи.

Радуйтесь, святии мученицы Кириче и Иулитто!

Кондак 5

Боготечной звезде уподобилися есте, святии мученицы Кириче и Иулитто, от земли бо к небеси к Солнцу правды Христу шествие свое страдальческое совершите, поюще Ему: Аллилуиа!

Икос 5

Видя себе посрамленна от малаго отрока, мучитель Александр стыда многого исполнися, мученика Кирика же сверже от седалища своего. Он же по ступенем каменным ниспадая, главою о ступенныя острия углы приражашеся и сокрушашася, все то место наполни кровию

своею святою. Таковая убо страдания его и матери его всечестныя Иулитты воспоминающе, сице зовем им:

Радуйтесь, исповедницы Христови неустрашими.

Радуйтесь, воины Христови преблаженнии.

Радуйтесь, кровь свою за Христа проливший.

Радуйтесь, небесных чертогов наследницы.

Радуйтесь, теплые наши предстателие и пред Богом заступницы.

Радуйтесь, святии мученицы Кириче и Иулитто!

Кондак 6

Проповедует весь мир христианский честныя страдания ваша, святии мученицы Кириче и Иулитто, и мученическую кончину вашу ублажает, поя Богу: Аллилуиа!

Икос 6

Возсиял еси яко новое солнце святыи мучениче Кириче - триех лет сущий не убоялся еси лютаго мучителя. Мал леты сый – велии подвиг совершил еси и непорочную душу твою в руцы Божия предал еси. Мы же, святыи мучениче Кириче вкупе с материю твою святою великомученицею Иулиттою вас на помощь призываем и сице вам взываем:

Радуйтесь, честным страданием вашим Богу угодившии.

Радуйтесь, доброту мира сего и прелесть его презревшии.

Радуйтесь, мзду многую на небесех обретшии.

Радуйтесь, обилие благодати Божией стяжати сподобившиися.

Радуйтесь, о нас пред Богом ходатаи.

Радуйтесь, святии мученицы Кириче и Иулитто!

Кондак 7

Хотя беззаконный мучитель игемон Александр святую мученицу Иулитту от Христа отвратити повеле надолзе и жестоко бити ю. Святая же Христова мученица Иулитта яко в чужем теле страждуще яко столп бездушен пребываше, ничтоже ино вещаша токмо: «Христианыня есмь, не пожру бесом». Егда же престаша бити ю и возставиша ю, узре святая мученица любезное чадое свое пред судилищем лежащее в крови мертво, радости убо исполнися и рече:

«Благодарю Тя, Господи, яко сподобил еси сына моего таковыя благодати Твоя, еже скончатися ему прежде мене мученически за имя Твое святое и венец мученический во славе Твоей прияти». Мы же таковому о вас Божию промышлению дивящися поем Богу: Аллилуиа!

Икос 7

Новую показа милость рабом своим Господь яко укрепи вы на подвиг мученический и яви в вас

Благодать Свою укрепляющую, Мы же радуящиеся о славе вашей сице вам вопием: Радуйтесь, сосуды благодати Христовой избранныи.

Радуйтесь, от Бога на подвиг силою Христовою укреплении.

Радуйтесь, в самих страданиях своих радость вечную стяжавшии.

Радуйтесь, кровию своею, яко багряницею царскою украшеннии.

Радуйтесь, на небеси со Христом Богом вечно царствующи.

Радуйтесь, святии мученицы Кириче и Иулитто!

Кондак 8

Странное чудо зряще удивляхуся вси - како малый отрок многолетняго змия диавола победи и мать свою своею смертию, Христа ради принятою возвесели. Таковую память вашу о Христе помышляючи, благодарно поим Богу: Аллилуиа!

Икос 8

Вся добродетельми духовными жизнь твоя исполнена есть, святая славная мученице Христова Иулитто, не утрашилася бо еси страдати за Господа своего, ибо паки повеле злочестивый игемон Алесксандр мучити тя – повеле бо тя на мучилищи повесити и

железными гребнями строгати и раны твоя кипящею смолою поливати и тебе вещати: «Пощади юность твою, да не умреш безгодно, якоже и сын твой». Мы же, молящися, вас просим: услышите нас, вопиющих вам таковая: Радуйтесь, купно страдавшии и купно венцы приявшии.

Радуйтесь, юность свою за Христа не пощадившии и вечное блаженство стяжавшии. Радуйтесь, диавола сети сокрушившии и вечною славою от Господа почтении. Радуйтесь, мучителеву гордыню посрамившии и Бога прославившии. Радуйтесь, святии мученицы Кириче и Иулитто!

Кондак 9

Все воинство ангельское возрадовася, видя ваша непреоборимая страдания за Христа Бога подъятыя, имиже победили есте миродержателя тьмы века сего, и воспеша Богу: Аллилуиа!

Икос 9

Ветия многовещанныя не возмогут по достоянию восхвалити страдания ваша, святии мученицы Кириче и Иулитто, мы же таковому мужеству вашему дивящися, таковая хваления приносим вам:

Радуйтесь, Христа всем сердцем возлюбившии. Радуйтесь, о Бозе Вседержителе

поревновавший.

Радуйтесь, наследницы Царя Небесного
явившийся.

Радуйтесь, о спасении нашем Богу молящийся.
Радуйтесь, святии мученицы Кириче и Иулитто!

Кондак 10

Спаси хотя душу твою, всечестная мученице
Христова Иулитто, презрела еси вся повеления
мучителя твоего и о теле своем нерадивше,
радостною душею пела еси Жениху твоему
Христу: Аллилуиа!

Икос 10

Стены твердые ведем вас, всем с верою к вам
прибегающим, святии мученицы Кириче и
Иулитто, сего ради с любовью зовем вам:
Радуйтесь, яко никтоже с верою притекающ к
вам неутешен от вас исходит.
Радуйтесь, любовью Божественною хладныя
сердца наша согревающая.
Радуйтесь, небесных благ искати нас
наставляющая.
Радуйтесь, суету мира презирати нас
научающая.
Радуйтесь, терпети скорби и болезни нам
помогающая.
Радуйтесь, святии мученицы Кириче и Иулитто!

Кондак 11

Пение хвалебное приношаше Тебе, Господи, святая мученица Иулитта, егда виде непреодолимое ея терпение, на посечение смертное мучителем осуждена бысть, и радуящися во страдании своем воспела еси Богу: Аллилуиа!

Икос 11

Свеща еси Церкви Христовой горящая невестственным светом благодати Христовой, святая мученице Иулитто, вкупе со святым сыном твоим Кириком, ему же радуящися, вожделела еси последовати в Небесное царство, и егда шла еси на место осуждения смертное, радуящися шествовала еси яко к венцу брачному. Достигше же того места, испросила еси малое время на молитву и, преклоньше колена, помолилася еси, глаголющи: «Благодарю Тя, Господи Боже мой Иисусе Христе, яко призвал еси сына моего прежде мене и сподобивый его пострадати за Имя Твое святое и страшное, и дал еси ему, оставившему суетное житие, вечную жизнь со святыми, приими убо и мене, недостойную рабу Твою, да причтена буду мудрым девам и войду в Чертог Твой нетленный» - тако помолившейся тебе тогда спекулятор, поостривши меч свой удари тя в выю и отсече главу твою святую и оставивши

тело непогребенно на снeдeниeм псом и зверем,
вкупe и тeлo сына твоего Кирика с тобою
повергоша. Мы же молим тя – просвети нас,
омраченнх грехом молитвою твоею, да
радостно возопиeм:

Радуйтeся, свeт вeры Христовой в сeрдцax своих
носившии.

Радуйтeся, тьмy идольского служения
обличившии.

Радуйтeся, в незаходимeм свeтe у престола
Божия нынe вселившиися.

Радуйтeся, тьмy нeвeдeния нашего свeтoм
заповeдeй Христовых озаряющии.

Радуйтeся, страданием своим всю вселeнную
просвещающии.

Радуйтeся, святии мученицы Кириче и Иулитто!

Кондак 12

Благодать дана естъ вам от Бога, святии
мученицы Кириче и Иулитто, сохранять от бед и
напастей чтущих страдания ваша. Сего ради
оградите молитвами вашими от всякаго зла
верныя чада Церкви Христовой и в
добродетелех преуспeяти сотворите
ны, воспевающих Богу: Аллилуиа!

Икос 12

Поюще Бога, помогшего вам страдания
совершити, приидоша обе рабыни ваша и

вземше повеженныя телеса ваша далече
отнесоша и в земли погребоша. Едина же от
рабынь тех поживе даже до лет Великаго
Константина, перваго царя христианскаго.
Тогда рабыня оная показа верным христианом
место, идеже погребена быша честныя мощи
ваша и страдания ваша возвестиша. Верныя же
изъяша от земли мощи честныя ваша нетленны,
благоухающи, исцеления подающи. Мы же
память вашу чтуще, сицевыми хвалами венчаем
вы:

Радуйтесь, Церкви Христовой украшение.
Радуйтесь, верных чад Божиих утешение.
Радуйтесь, недугов наших исцеление.
Радуйтесь, скорбей наших избавление.
Радуйтесь, печалей наших утешение.
Радуйтесь, святии мученицы Кириче и Иулитто!

Кондак 13

О, святии угодницы Христови и чудотворцы,
страстотерпцы святии, великомученицы Кириче
и Иулитто! Приимите сие хваление наше и
мольбы, к вам приносимыя, и благоприятными
вашими к Богу молитвами избавите ны от
всяких зол и обстояний, болезней душевных и
телесных и от всякаго мучения.
Предстательством вашим сотворите ны
достойными Царствия Небеснаго быти, да
сподобимся в небесных селениях воспевати

Богу: Аллилуиа!

Сей Кондак глаголи трижды и паки чтется Икос 1 (Архангели и ангели с любовью...) и Кондак 1 (Избранныя раби Царя Небеснаго

МОЛИТВА

О, святой великомучениче Христов Кириче, угодниче Божий! Ты во страдании своем первый предстатель Престолу Господню и никтоже близ Владыки разве Иоанна Предтечи превыше тебе предстоит. Призри, угодниче Божий, на ны, грешныя раби твоя, с матерію твоею Иулиттою великомученицею призывающих вас с верою. Приимите убогую молитву нашу и сердце сокрушенное и токи слез. Помяните нас у Престола Господня, дабы мы, окаянии не объяти были сетми врага и да не впадем во искушения, уже бо враг наш яко лев рыкает, ища кого поглотити и свести во ад жива. Мы бо многогрешнии и недостойнии раби ваши воспоминаем ныне страдания ваша святая – вы бо победителие вражия силы бысте: ты же, святой мучениче Кириче триех лет и двух месяц сый, не убоялся еси беззаконных мучителей Александра и Максимиана, обличая их богомерзкое идолослужение, вкупе же с матеріею твоею Иулиттою всечестною многоразличными муками томими от них бысте,

с радостию вся терпесте и болезни и скорби не иместе, веровавше во Христа истинного Бога нашего. Господь же благослови вы и рече: «Кириче, рабе мой верный, аще кто от человек имя твое призывает и мучение ваше воспоминает, то избавлен будет диавольскаго навета, или кто в болезни имя ваше призовет – исцелю его, или кто дом нов строит да имя ваше призовет – благословлю его и обогащу его милостию Своею, или кий человек в напасти впад – избавлю его, или кто по морю плавает – то морской пучины избавлю его, или кто при смертнем часе о имени вашем начнет просити об отпущении грехов – останутся ему.» Мы же, недостойнии рабы ваши обретохом вас заступников наших, в бедах и скорбех помощников, да прославим вас во имя Отца и Сына и Святаго Духа, ныне и присно и во веки веков. Аминь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО